

CANONES ALII S. PATRICIO ATTRIBUTI,

E codice ms. collegii Benedictini Cantabrigiae descripti.

I.

De unitate subditorum.

Quis ergo audet scindere unitatem, quam nemo hominum solvere vel reprehendere potest? *Multitudinis autem credentium erat cor unum et anima una, et nulla erat separatio in eis, nec quisquam ex bonis suis dicebat esse aliquid: sed erant illis omnia communia. Gratia quoque erat magna super illos omnes, nec in eis aliquis indigens.* Num quicunque possessores agrorum aut domorum erant, vendentes afferabant pretia illorum et ponebant ante [pedes] apostolorum; et dividebatur unicuique ut opus erat (Act. iv, 32-35). Deinde: *Quidam autem vir nomine Ananias, etc., usque ad illa verba: Audiens autem Ananias haec verba, cecidit et expiravit (Act. v, 1-5).*

II.

De furto in ecclesia peracto.

Qui furatus fuerit pecuniam ab ecclesia sancta ubi martyres et corpora sanctorum dormiunt, illius manus vel pes circumcidatur, aut in carcerem mittatur,

A aut in peregrinationem ejiciatur, et resulnatur duplum; et jurabit quod non revertetur donec impleverit penitentiam.

III.

De veris viduis.

De veris viduis Paulus: *Vidua eligatur non minus annorum 60, unius viri uxor (I Tim. v, 9).* Nota: Si plures viros habuerit, vidua non sit.

Adjiciuntur deinde mox sequentes duo canones: sed an S. Patricij, vel cuius sint, e ms. Benedictino non liquet. Eorum vero posterior in codice Cottoniano canorum, tit. 66, diserte synodo Hibernensi ascribitur.

I. De eo quod non repudianda sit, si sterilis, si deformis est, si aetate vetula, si fetida, si temulenta, B si iracunda, si jurgatrix, tenenda sit velis nolis. Quae liscunque accepta sit, tenenda est.

II. Omnis adulteri sive a concelebratione, sive a communicatione mensæ, sive a colloquio, sive a comitatu, usque dum poeniteat, excludendus est

PROVERBIA ALIQUA S. PATRICH.

Patricius dicit: Satius est nobis negligentes premonere, ne delicta abundant, quam culpare quæ sunt facta. Salomon: *Melius est arguere quam irasci (Eccl. xx, 1).*

Patricius ait: Non oportet judices Ecclesiæ habere timorem hominum, sed timorem Dei; quia *Timor Dei principium sapientiae est (Psal. cx, 10).*

Non oportet judices Ecclesiæ Dei habere sapientiam hujus mundi; quia *sapientia hujus mundi stultitia est apud Deum (I Cor. iii, 19);* sed sapientiam Dei habere.

Non oportet judices Ecclesiæ munera suscipere: quia *miserera execrant oculos sapientium, et mutant verba iustorum (Deut. xvi, 19).*

Non oportet judices Ecclesiæ habere personam in iudicio: quia *Non est acceptio personarum apud Deum (Rom. ii, 11).*

Non oportet judices Ecclesiæ cautelam secularem habere, sed exempla divina: quia non oportet servum Dei cautum esse vel astutum.

Non oportet judices Ecclesiæ tam veloces esse in iudicio, donec sciant quam verum fiat quod *scriptum est: Noli iudex esse cito (Prov. xxi, 8).*

Non oportet judices Ecclesiæ volubiles esse.

Non oportet judices Ecclesiæ mendacium dicere; quia magnum crimen est mendacium. Sed oportet judices Ecclesiæ rectum iudicium iudicare; quia in quounque iudicio iudicaverint, iudicabitur de eis.

Patricius (ait): Exempla majorum perquire, ubi nihil fallacie invenies.

Patricius ait: Judices qui non recte iudicant iudicia Ecclesiæ, non judices, sed falsatores sunt.

CHARTA S. PATRICII.

In nomine Domini nostri Jesu Christi. Ego Patricius humilis servunculus Dei, anno incarnationis ejusdem quadragesimo vigesimo quinto, in Hiberniam a sanctissimo papa Cœlestino legatus, Dei gratia Hibernicos ad viam veritatis converti. Et cum

D eos in fide catholica solidassem, tandem in Britaniam sum reversus, ac, ut credo, duce Deo, qui *vita est et via (Joan. xiv, 6),* incidi in insulam *Ynswytryn,* in qua inveni locum sanctum ac vetustum, a Deo electum et sanctificatum, in honore intemeratae Virginis

* Ita etiam habetur in magna tabula Glastoniensis ecclesiæ. Sed in Joan. Tinmuthensi et Joan. Capgraveo legitur 450. Atque ita alia manu correctum est

in codice ms. Guil. Malmesbur. collegii S. Trinitatis Cantabrigiae. WAR.